

RAGAD ADVERTENTIE:
Kabar premili: 1 — 30 temboeng f 1.—
Langkoengipoen, saben 10 temboeng oetawi
kirang: f 0,50.
Advertentie limrah: f 0,15, sagaris:
(apes: f 1,25).
Moendoet kapatjak langkoeng saking sa-
pisan, oetawi moendoet dados langganan,
tepang rembag roemijin kalijan admini-
stratie.
Hoofdredacteur:
A. DJAJASEPOETRA.
kabantoe
REDACTIE - COMMISSIE.

SWARA-TAMA

SERAT KABAR KATHOLIEK

== Medal saben dinten Djoemoewah. ==

REGINIPOEN L
SWARA
1 taoen . . . f 6,—
1/2 . . . f 3,—
3 woelan . . . f 1,50
roen
Adrèsi poen Redactie lan Admi
IGNATIUS - COLLEGE
DJOKJAKARTA.
Telefoon no. 795.
Drukterij „Canisius“ Djokja.

ISIN IPOEN:
Balé Agoeng ing tanah kedjawèn —
Moegi dadosa panggalihan — Ing
sapoetjaking panggoeng Economie —
Herordeningsplan — Bok inggih sam-
poen kesangten — Kawi dasa nama
djarwa — Djogèd — Vragenbus —
Tjabang P. K. W. ing Bara — Ontjèn
sekar gambir melati — Oerap-sari —
Correspondentie.

PRADJA RAHAJOE.

BALÉ AGOENG ING TANAH KEDJAWÈN.

II (Toeroenan
sambetipoen Sw. T. no. 47.)

Rantjangan bab adegipoen ge-
meenteraad ing Soerakarta lan ing
Ngajogjakarta, kadamel déning Ad-
viseur voor de decentralisatie.
Sasampoenipoen Kangdjeng Goe-
permèn aparing soemerep kados
kaseboet ing ngmggil waoe, Advise-
ur Voor de decentralisatie sale-
betipoen taoen 1922, ladjeng kada-
woehan ngladosaken rantjangan
bab adegipoen gemeenteraad ing
Soerakarta toewin ing Ngajogja-
karta.
Menggah anggèning Adviseur voor
de decentralisatie kadawoehan da-
mel rantjangan bab adegipoen
gemeenteraad waoe, poenika mawi
dipoenantjer-antjeri bilih gemeen-
teraad kaadegaken déning para Na-
ta, wah malih mawi kasoewak ang-
gèning para kawoelanipoen Kang-
djeng Goepermèn kapetal saking pa-
ngoewasipoen gemeenteraad ing-
kang badé dipoenadegaken para
Nata.

Bab dawoehipoen Kangdjeng Goe-
permèn, nalika poengkasipoen ta-
oen 1923 saking panggalihipoen
Kangdjeng Goepermèn wekdal sa-
manten kirang prajogi saoeami ing
Soerakarta toewin ing Ngajogja-
karta dipoenwonteni gemeenteraad.

Inggih kababahan ngrembag bab
adegipoen gemeenteraad ing woe-
sana nalika poengkasipoen taoen
1923, Kangdjeng Goepermèn anda-
woehaken saking panggalihipoen
Kangdjeng Goepermèn, wekdal sa-
manten kirang prajogi saoeami ing
bawah Soerakarta toewin Ngajogja-
karta dipoenwonteni gemeenteraad.
Sarèhning para kawoelanipoen
Kangdjeng Goepermèn wiwit kina
makina sampoen kapetal saking pa-
ngoewaosipoen para Nata, mila bab
poenika ladjeng noewoehaken pakè-
wed toemrap adegipoen Gemeen-
teraad.

Inggih makèwedi sanget toemrap
adegipoen gemeenteraad inggih poe-
nika panjoewakipoen anggèning pa-
ra kawoelanipoen Kangdjeng Goe-
permèn, kapetal saking pangoe-
waosipoen para Nata, amargi saoe-
pami saèstoe kasoewak, raosipoen
sanget njoelajani wawaton toemin-
daking papréntahanipoen Kangdjeng
Goepermèn, liripoen ladjeng boten
tjoendoek akalijan pradjandjian bab
pamilih toewin prabédanipoen para
kawoela ingkang kabawah ing Kang-
djeng Goepermèn sarta ingkang ka-
bawah para Nata. Kadjawi poenika
oegi wonten pamanggih, saoeami
soewaking pametalipoen para ka-
woelanipoen Kangdjeng Goepermèn,
saged laras kalijan kawontenanipoen
djaman samangké, poenika soewak-
ipoen waoe saèstoenipoen adilipoen
inggih kedah katindakaken ing sa-
bawah India Nederland, ing mangka
kawontenanipoen keraton ing tanah
Djawi sakawoelanipoen sedaja béda
sanget akalijan ing tanah-tanah sa-
brang.

Koemisi ingkang kababahan nga-
toeri pamrajogi toemrap soewaking
para kawoelanipoen Kangdjeng Goe-
permèn, anggènipoen kapetal saking
pangoewaosipoen para Nata.
Menggah koemisi ingkang kabe-
bahan ngatoeri pamrajogi toemrap
soewaking para kawoelanipoen
Kangdjeng Goepermèn, anggènipoen
kapetal saking pangoewaosipoen
para Nata, poenika katetepaken na-

lika woelan April 1926, déné ang-
gènipoen ngatoeri pamrajogi nalika
salebetipoen 6 woelan awitanipoen
taoen 1929. Sarèhning prakawis
waoe pantjèn gawat sanget, mila
doemoegi samangké dèrèng saged
rampoeng pangrembagipoen.

Bab pakèwedipoen djalara teba-
ning pangoewaosipoen gemeenteraad
namoengsakitakeradjanipoen nagari.
Menggah ingkang makèwedi sa-
nget toemrap adegipoen gemeen-
teraad inggih poenika djalara teba-
nipoen pangoewaosipoen gemeenteraad
waoe namoeng sakita kradjanipoen
nagari, dados tijang ingkang mang-
gèn sadjawining kita karadjanipoen
nagari boten saged kakéngingaken
ing padjeng ingkang badé dipoen-
wonteni déning gemeenteraad.

Sarèhning tatanan papréntahan
ingkang bawah keraton Djawi béda
sanget akalijan lampah-lampahipoen
gemeenteraad, tatanan Walandi sa-
ingga kénging dipoenwonteni tanpa
oepami. Mila saèstoe gawat sanget
anggènipoen nengahi oetawi njing-
kiri samoekawis pakèwed.

Sarèhning papréntahanipoen kera-
ton Djawi taksih dadasar tatanan
ingkang kina-makina, mila béda sa-
nget kalijan tatanan gagragan éng-
gal kadosta gemeenteraad, bédani-
poen prasasat tanpa oepami. Déné
samoekawis pakèwed ingkang ka-
beka saking prabédanipoen waoe
pantjèn boten kénging dipoensing-
kiri sanalika. Mila prajoginipoen
kaangkaha sagedipoen nengahi.

Tatanan bab siti (agrarische her-
vorming) saweg rampoeng, dados
tatanan énggal poenika dèrèng mra-
soek, menggah tatanan gagragan
énggal prajogi katindakaken saking
sakèdik.

Tatanan bab siti ing bawah Vors-
tenlanden, saweg rampoeng sale-
betipoen sadasa taoen kapengker,
ananging taksih katingal dèrèng sa-
ged mrasoek, oet. malih pangge-
sanganipoen tijang dèrèng saged
mapan, pramila anggènipoen ngla-
djengaken tatanan gagragan éng-
gal prajogi katindakaken saking sa-
kèdik.

Sarèhne panggesanganipoen teti-
jang siti katingal dèrèng saged laras
kalijan kawontenanipoen djaman sa-
mangké, mila sadèrèngipoen ngla-
djengaken tatanan gagragan énggal
inggih kedah kanti sabar doemoegi
tetijang siti sampoen saged ngoeli-
nakaken dateng ébah-ébanipoen
djaman.

Bab soedanipoen pangoewaosipoen
para Nata saoeami dipoenwonteni
gemeenteraad.

Kadjawi poenika inggih sampoen
kagalih saoeami saèstoe ngwon-
tenaken gemeenteraad poenika wa-
djib toewin wewenangipoen zelfbe-
stuur salong kedah kapasrahaken
doemateng gemeenteraad, mila won-
tenipoen gemeenteraad waoe inggih
badé andjalari soedaning pangoe-
waosipoen para zelfbestuur.

Ada-ada ngawontenaken Rijk-
sraad ingkang wadjib ngatoeraken
panimbang.

Sareng tétéla wonten pakèwed-
ipoen kaseboet ing nginggil waoe,
sarta sasampoenipoen kagalih sa-
perloenipoen moerih sageda anjing-
kiri pakèwed waoe, para wadjib
ladjeng sami gadah pamrajogi soe-
pados ing samangké dipoenwonteni
Rijksraad roemijin kémawon, mawi
dipoenwadjabi ngatoeraken panim-
bang, ingkang kanggé toelada ing-
gih raad-nagari ing Soerakarta ing-
kang adegipoen toewin lampah-lam-
pahipoen sampoen kawrat ing serat
kabar-nagari taoen: 1918, angka 26;
sarta taoen: 1923: angka: 1.

Awit saking poenika kantor de-
partement B. B. ladjeng andapoek
rèng-rèngan pranatan bab adegipoen
Rijksraad kados kaseboet ing nging-
gil waoe. Sarta rèng-rèngan waoe na-
lika salebetipoen taoen 1925 ladjeng
kanggé wawaton pangrembagipoen
kalijan para zelfbesturen toewin para
sardjana bangsa Djawi. Sareng pa-
manggihipoen ingkang sami ngrem-

bag bab adegipoen Rijksraad waoe
sampoén kaoningan, miwah pa-
mrajoginipoen para pangageng sar-
ta pangadjeng - adjengipoen pa-
kempalan Narpa-Wandawa ingkang
kalahiraken kala ing taoen 1927 sarta
1928, para wadjib ladjeng andapoek
rèng-rèngan pranatan kados won-
tenipoen ing samangké poenika.

Bab rèng-rèngan pranatan ing sa-
mangké poenika.

Mitoeroet soeraosipoen rèng-rèngan
pranatan kantinipoen serat katrangan
poenika, ing bawah zelfbesturen ing
bawah Vorstenlanden badé dipoen-
wonteni Rijksraad kados ing nga-
djeng waoe, mawi dipoenwadjabi
ngatoeraken panimbang. Ing ngan-
dap poenika badé kawidjanganen
bilih adegipoen toewin lampah-lam-
pahipoen Rijksraad énggal waoe
béda sanget kalijan Rijksraad ing-
kang lami kados déné ingkang taksih
toemindak angemoengaken ing ba-
wah karaton Soerakarta.

Menggah Rijksraad énggal waoe
badé kanamakaken Balé Agoeng,
amargi bangsa Djawi sakintenipoen
sampoén mangertos bab pikadjeng-
ipoen temboeng Balé Agoeng, déné
sanèsipoen bangsa Djawi temtoe
gampil anggènipoen ngoelinakaken
dateng pikadjengipoen temboeng
Balé Agoeng waoe. Nalika tanggal
6 Nov. 1925 K. P. A. A. Mangkoena-
gara VII, papatih ing Soerakarta,
sarta para sardjana bangsa Djawi,
sami parepatan wonten ing Prang-
wadanan, sarta sami mrajogékaken
Rijksraad énggal waoe kanamaken
Balé Agoeng.

(Badé kasambet).

MOEGI DADOSA PENGGA- LIHAN!!!!

Para sedèrèk, kados pandjenengan
sedaja boten kekilapan menggah
kadjengipoen tijang dipoentjatjar;
inggih poenika kanggé srana pa-
noelaking sesakit tjatjar. Inggih
mangka sesakit tjatjar poenika saged
andrawasi, wewah-wewah gampil
sanget toemoelaripoen dateng sanès.
Mila jèn wonten sedèrèk ingkang
ketjandak sesakit tjatjar kedah nga-
tos-atos sanget. Namoengratikipoen
para sedèrèk ing padoesoenan sami
boten merlokaken ndjagi dateng
sesakit poenika. Mila inggih sam-
poen lajak kémawon menawi wonten
salah setoenggaling sedèrèk ingkang
ketjandak sesakit tjatjar, boten da-
ngoe sampoen saged ngambra-
mbra. Inggih poenika negari ladjeng
mékani, inggih poenika srana ma-
ringi mantri tjti. Éwasemanten ka-
tah-katahing sedèrèk, meksa wonten
ingkang katingal sanget anggènipoen
boten rila, sareng tampi dawoeh
badé dipoentjatjar. Malah-malah
menggah angsal mekaten trimah
badé mberahaken, inggih poenika
tijang sanès kapoerih nglampahi
tjatjaripoen. Ratjakipoen ingkang
mekaten poenika sedèrèk wanita;
langkoeng-langkoeng ingkang tek-
sih prijantoen oetawi wanita ingkang
mrijantoeni. Menggah nalar - nalar-
ipoen kados-poendi teka wonten
ingkang gadah pemanggih trimah
badé mberahaken poenika? Poenapa
mergi boten mangertos kadjengipoen
tjatjar? Kados teka inggih boten,
awit wonten sawenèhing wanita
ingkang sampoen mangertos goe-
nanipoen tjatjar, éwasemanten sa-
reng nampi dawoeh tjatjaran teka
inggih boten seneng. Sandjangipoen
kapok ingkang sampoen - sampoen.
Poenapa kapok anggènipoen sakit?
Ah, genah boten, awit jèn namoeng
sakiting tijang dipoentjatjar kémawon
boten sepintena. Ladjeng ingkang
poendi? Manoet pamireng koela
megeri lingsem anggènipoen kanggé
tetingalan tijang katah. Tetingalan
kados-poendi? Mekaten: wonten
sawenèhing mantri tjatjar ingkang
atoeranipoen terlaloe, inggih poe-
nika sedaja tijang, enèm sepoeh,
djaler èstri, ingkang badé tjatjar
kedah nglempek dados saplaturan
lan kedah tjoetjoele rasoekan sedaja,
tan kénging boten. O, menawi me-
katen teka inggih wonten èmper-

ipoen jèn wontena ingkang lingsem.
Toemrapi prijantoen wanita ing-
kang tekisih moerni, sampoen malih
tanpa rasoekan wonten ngadjeng-
anipoen tijang katah gèk botena
lingsem, saweg wonten grijanipoen
pijambak kémawon sampoen lingsem.

Kedjawi wonten mantri ingkang
gadah atoeran mekaten asring-asring
wonten mantri ingkang kirang djoed-
joer manahipoen salebeting nin-
dakaken pakarjanipoen. Para maos
kados sampoen saged nggagapi
kados-poendi botenipoen djoedjoer
sang mantri tjti. waoe.

Mila saladjengipoen ing ngriki
koela ladjeng ketoekoelan gagasan,
ingkang saged oegi para maos
mestani gagasan koela waoe njlenèh.
Éwasemanten soemangga anggè-
nipoen mestani.

Menawi koela ngèneti kawon-
tenan nginggil waoe, ingriki koela
ladjeng gadah pitakénan doemateng
para maos; poenapa boten prajogi
saget saoeami dipoenwontenana
mantri tjatjar èstri, mligi kanggé
sedaja tijang èstri?

Wondéné pitakén koela ingkang
mekaten poenika mawi ngèneti
dedasar tigang prekawis:

1e. ngèneti kasoesilan, 2e. ngè-
neti kasasaran lan 3e. saged ma-
ringi pangoejadiwa doemateng
wanita. Menggah keteranganipoen
mekaten:

1e. Menawi pakarjanipoen mantri
tjatjar saged klampah pilah, inggih
poenika prija sami prija, wanita
sami wanita, ingkang temtoe ladjeng
saged nebihaken manah ingkang ki-
rang djoedjoer toemrap sedajanipoen.
2e. Jèn mekaten, temtoe sedaja
tijang badé kanti seneng anggè-
nipoen sami nampi djampi minangka
panoelaking sesakit tjti. Ladjeng
boten wonten ingkang mberahaken
malih, oetawi nilar késah menawi
dong tjatjaran. Woosana sedaja ti-
jang ladjeng tampi tjatjar, ndjalari
angèling widji sesakit tjatjar ingkang
badé toewoeh ing badan. Jèn me-
katen rak ladjeng angèl kénging-
ipoen sesakit tjatjar.

3e. poenika genah sampoen tjeta.
Menawi mila saged klampah meka-
ten, tegesipoen oegi madosaken
mergi kanggé pangoejadiwaning
wanita. Wondéné menggah mergi-
nipoen wanita saged dados mantri
tjatjar, poenika koela soemanggak-
aken dateng ingkang kawogan meng-
galih.

P. RAGIL.

~ EKONOMI ~

Ing sapoetjaking panggoeng
Economie.

Saking M. ANDAJA ing W.

Ing karangan koela ing Sw. Tm.
no. 47 koela radi ndjimet méteni
wados-wadosipoen tradjang Indo-
nesia ingkang tetéla saged mbeba-
jani toemrap sedèrèk mantja pradj-
ang ingkang wonten ngriki ingkang ge-
sangipoen mligi saking manggaotan
dagang.

Kala koela wonten Mataram,
koela maos serat kabar Mataram
oetawi de Koerier, kesoepon, ing-
ngrikoe wonten penjarowé saking
Magelang, njaroewé begrooting ka-
poelisèn, ingkang ngemot pistoel
satoenggaling karantjang regi f 150,—.
Inggih njaroewé waoe alok, goe-
moen sanget, déné pistoel ngantos
regi semanten. Pijambakipoen trjijos,
zoals ik persoonlijk gekend heb,
zoo'n wapen van dezelfde qualiteit
kost in Europa tusschen 10 en
15 gulden, oekara poenika adjeg
koela émoet-émoet, margi ingkang
alok semoe - semoenipoen, nitik ka-
ranganipoen. mentas saking Europa,
mergi mentas perlop poenapa saweg
grès saking ngrika.

Mergi kala semanten koela sa-
weg „boeka-mata“ prekawis import,
prekawis waoe koela tjatet, koela
bekta dateng poendi-poendi, awit
kesangten, begrooting f 150,— nja-
tanipoen saged namoeng regi f 10
njengka f 15. Kok kados mritja
djaman V. O. C., wonten Indonesia

3 benggol, wonten ngrika f 150,—
enz, enz, enz. Batos koela njoedjanani
dateng ingkang damel begrooting
(hm . . . njemelangi).

Let setaen, lah dalah, koela ké-
moetan bab waoe, koela takékaken
saèstoe dateng sabar, koela
pendetipoen roemijin dateng
Europa, Perantjis, kitanipoen Saint
Etienne (joernalis bermata seriboe?).

Ing rikoe elokipoen Welandi
Magelang waoe . . . njata! Kirang
terang ing negari Welandi, ga-
djegipoen koela soemerep saking
Noordbrabant oegi boten inggil
reginipoen!

Ingrikoe pistoel ingkang awis pi-
jambak, browning 1e. klas, boten
wonten ingkang njami, namoeng
regi f 29. Saongkos kintoen
f 35,— toch dèrèng f 150! Pistoel
poelisi ingriki njata namoeng regi
f 10 doemoegi . . . f 15,—!! Hara
ta, f 150,— waoe gèk tirahanipoen
mladjeng dateng poendi? Mangka
negari taen poenika ngrantjang
badé njamboet malih „paling ba-
njak“ f 75,— mawi 000 000. Hara
ta, jèn dipoenoeriki saking sakedik
arta semanten waoe temtoe leboer
tanpa teges! hara ta, f 150 pistoel
satoenggaling!

Pabrik poendi namanipoen ing-
kang pandjenengan takèni mas An-
daja?? o. boten badé koela atoer-
aken. Namoen atoer koela poenika
njata, — sampoen malih barang
alit, barang ageng pisan Andaja
sedija paseksènipoen.

Bab poenika sanès dinten kala-
djengaken.

Mangsoeli Soerabaja malih.
Semoenipoen Djawi Wétan mila
glijak bab panggaotan, P. P. K. D.
kémawon ingkang kepara wétan,
Madjoen, kabaripoen kok inggih
digdaja!

Ing Djawi wétan wonten nama
Pameb, poenapa poenika? o, gam-
gil, tjekakan saking Perkoempoelan
akan madjoekan economie Boemi-
poetara. Ta, rak tjoetjog kanggé
ngisèn rubriekipoen mas Andaja,
mawi temboeng nomie! Semoeni-
poen aksi poenika saking Pesoe-
roewan, ladjeng N e r a ngabaraken
Pameb waoe sampoen mrembèt da-
teng Lawang. Sokoer bagé sèwoe,
ki jèn Kober bédjeng koela atoeri
toezicht mrikal Lan tjabang Pameb
waoe madeg pijambak mawi nama
Arca, sedyanipoen badé njewakaken
monitor, dados aannemer lan blantik,
poenapa déné toekang reparasi. Ing
Malang oegi wonten Persbureau
nama Retna, ing Bandoeng Fortuna.
ing Anoe (koela boten terang) Mat-
pena. Malah menawi boten klèntoe
Matpena poenika ingkang gandèng
kalijan Aneta. Ta, menawi koerda,
ambak-ambak brengos Djawi poe-
nika malati.

Bokmanawi para maos menggali
perloe, mangga koela tjoeplikaken
kepèk koela tjoeplikan saking Pew,
Sbj. ingkang dados oregipoen do-
nja - penggaotan kala 6 woelan
kapengker.

„Ing Nw. Soer. Crt. wonten se-
ratanipoen soedagar Tjong Hoa
ingkang dipoenalamataken dateng
Chineesche Handelsvereniging (Ti-
ong Hoa Tjong Siang Hwee) ing
„Soerabaja, ingkang soeraosipoen
„soeka soemerep dateng kempa-
„palan waoe bilih sampoen sa-
„watawis taen toko-toko Import
„Europa sami pados mergi pijam-
„bak gandèng kalijan tijang-tijang
„ing doesoen, ingkang andjalari
„toko-toko sami kapitoenèn.
„Amargi tijang-tijang doesoen
„waoe sami dados langgananipoen
„waroeng-waroeeng Tjong Hoa,
„mila jèn dipoenreboet ing toko
„Import, temtoe kanta dagang
„Tjong Hoa boten sanggoep nan-
„dingi, langkoeng malih toko-toko
Import waoe oegi ngilakaken
„barangipoen dipoentjijil mawi
„inah dangoe“
doemoegi ngriki kepèk tjoentjel,
mergi kala semanten ketoengka pen-
damelan sanès, namoeng kelerasan-
ipoen bab ingkang perloe sampoen
kamot, para maos saged anggagapi

MAROETA.

Saking abn. no. 535.

Noewoen wijosipoen Rama redacteur ing ngandap poenika koela kintoen „panjoewoenan pirs”. Moe-gi rama kersaa paring djawaban.

Kados déné ramapriksa oemoemipoen sadèrèk Djawisanès Kath. poenika manawi gadah damel mantoe oetawi netakaken mawi tajoeban lan tamoenipoen oemoem mawi njoem-bang. Sarèhning soemanganstelsel poenika boten saé, awit gadah damel makaten poenika kanti pados asil lan inggih jèn medal asilipoen, jèn boten damel sisah dateng ingkang gadah damel. Boten kirang tijang ingkang nembé gadah damel ladjeng gombal, malah kabariipoen wonten ingkang miroeda daloe wektoe gamelan masih moengel.

Pir. I nitik kawontenan ingkang makaten waoe kados-poendi kanggé kita tijang Katoelik manawi tampi oelem-oelem tajoeb? Dateng, poenapa poenika boten nami setoedjoe kalijan stelsel ingkang boten saé waoe? Boten, mangké dipoenwastani boten roedjoe, njédjé. Poenapa malih jèn wonten kita alit ladjeng katingal.

II Ing kita panggénan koela—bokmanawi lintoe panggénan oegi makaten—madjeng oegi bab main bakaran. Ing poendi wonten tajoeb inggih wonten bakaran toer ageng-agengan, boektinipoen ingkang main boten namoeng tijang Djawi, malah sabagéan ageng bangsa Tionghoa Singkèk. Hara, kados poendi kènging dateng poenapa boten?

III malih manawi kita dipoenondang tijang mantoe sanadjan boten mawi tajoeb oetawi bakaran, nanging kita soemerep jèn mantènipoen ing wektoe poenika sanès mantèn

sapisaan tegesipoen sampoen pe-rakan kalijan simahipoen ingkang roemijng oetawi mantèn wajoeh. Kènging dateng poenapa boten? Kènging, poenapa poenika boten mratandani jèn roedjoe kalijan wontenipoen pegat oetawi wajoeh?

Djaw. : I Prajoginipoen boten dateng kèwawon. Djalaranipoen: a) Tajoeb poenika boten matoek kalijan raos katoelik. b) Jèn soemanganstelsel poenika sampoen kagali-b boten saé, kènging poenapa kok taksih dipoenjondongi margi oelem-oelemmanipoen dipoedatengi? Sampoen adjrih kawastanan boten roedjoe. Awit poenapa inggih prajogi, roedjoe dateng prakawis ingkang boten saé? Lan malih jèn wonten tijang sampoen jakin saèstoe bab boten—saènipoen soemanganstelsel (—kados déné pandjenengan poenika; rak inggih, ta—), mangka boten poeroen alitipoen boten ngroedjoe lan agengipoen miwiti njowak pijambak; gèk sinten kèwawon ingkang badé poeroen njowak? oetawi gèk bèndjing poenapa kèwawon sagedipoen itjal poen soemanganstelsel waoe?

II Sarèhipoen sadèrèk Katoelik boten pantes dateng ing tajoeban, dados margi poenika kèwawon sampoen prajogi boten datengipoen; saja malih jèn mawi kapeksa toemoet main ingkang ndrawasi dateng oebenging jatra.

III. Poenika kènging, oegeripoen namoeng nama toemoet pista oet. seneng-seneng (ingkang boten awon, lol) lan boten toemoet ngidjabaken, dados seksi lsp. Awit poenika boten nama ngroedjoe ki wontenipoen pegat oetawi wajoeh.

Namoeng kèwawon weling koela: sadaja waoe katindakna kanti soemanak!

OERAP - SARI

(PETIKAN SAKING SERAT-SERAT KABAR SANÈS).

KABAR KATOLIK.

Pamoeringipoen golongan Islam dateng Prantjis.

Margi propaganda Katoelik.

Djagad Islam, sadonja, oegi ing Indonesia, gondjing. Margi manoeet serat-serat kabar, kadosta: S. R. I. lan *Siang Po*, wonten pawartos saking Afrika, njarijosaken oemat Islam bangsa Barbar ing Marokko, sami *dipoenpeksa* nilar Islamipoen kapoerih miebet Kristen. Ingkang meksa: Prantjis.

Malah t. Farid Abdoellah ing Cairo wonten S. R. I. njarijosaken makaten: „Tetapi golongan Catholic dari bangsa Perantjis, jang memegang keradjaan disitoe, telah mengeloarkan soerat ketetapan dari *Soeltan Panotogomo* (??—Red. Sw. T.) disana: ketetapan mana memaksa bangsa *Barbar*, soepajameninggalkan agamanja Islam dan bahasanja Arab, lantaran, kata firman Soeltan itoe, bangsa *Barbar* itoe asalnja beragama nasroni Catholic sebeleom mereka masoek agama Islam. Djadi agama Islamlah jang mengeloarkan mereka dari agama Catholic. Maka sewadjabnja mereka dikembalikan ke-agamanja jang terdahoele.”

Manoet *Siang Po* (petikan saking satoenggiling koran Arab) sampoen kelampahan wonten sakolahan—sakolahan Islam dipoentoetoep déning paréntah Prantjis, ladjeng kasoe-kakaken dateng golongan Katoelik.

Margi pakabaran poenika, djagad Islam gondjing. Malah ± sawoelan sapriki sampoen wonten serat toemoedjoe dateng oemat Islam ing sadonja soepados amrotès lekasiipoen paréntah Prantjis waoe.

Para nénéman ing Mesir oegi sami ngawontenaken protest.

Kadang Islam ing Indonesia inggih toemoet moering. Ing Soerabaja malah sampoen wonten serat sebaran kawedalaken, soeraos ngawon-awon lekasiipoen Prantjis. Redaktoer Hadramant—Courant, sèp drukkerij „Almaskati”, redaktoer S. R. I., pangarsa Madjells Pertimbangan Islam, sami lalawanan kalijan poelisi.

Ing Ngajogja, manoeet Aneta poelisi sawoelan kapengker ambeslah

brochure sampoen dipoentjap, nanging dèrèng kasebaraken déning H.B. Moehamaddijah. Brochure waoe isi protest-ipoen pantoentoen Islam ing Kairo toemrap toetoepipoen sakolahan Islam ing paredén Atlas.

Mataram sasampoenipoen pikan-toek katrangan saking péhak opisi-jil, njarijosaken bilih brochure waoe ingkang ngetjap dédé H. B. Moehamaddijah, lan oegi boten saking pakènipoen M.D. Boekoe waoe ingkang ngetjapaken satoenggiling moerid kweekschool Moehamaddijah ingkang awatak fanatiek. Dados aksi waoe inggih medal saking poen laré pijambak.

Prantjis poenika dados mitranipoen Nederland. Mila paréntah ngriki inggih tjak-tjek anjirep badé oebaling latoe. Consulaat-generaal—Perantjis ing Betawi *andorakaken* bilih wonten panindes kados kaseboet inggih saking paréntah Prantjis.

Pakabaran—pakabaran mekaten poenika, pantjen sampoen ladjeng agé-agé dipoen-gega. Ing ngriki koela ngalem kawitjaksananipoen S. R. I. ing Soerabaja ingkang dipoenke-moedèni t. Tjindar Boemi, awit nalika pikantoe kabarmakaten waoe saking pambantoenipoen ing Kairo t. A. Farid Abdullah, ladjeng damel noot mekaten: „Tentang benar atau tidaknja *details* karangan ini, kita haroes menerimanja dengan sedikit *reserve*, enz.”

Missie Tionggok kambah bentjana.

Mgr. Balconi, Biskoping Hanchongfoe, sesarengan kalijan Pastoer Lazaristen 3, Zuster 6 sami salebetipoen minggoe kapengker sami mladjeng ngoengsi dateng goemoek-goemoek, njingkir pandjadjarahipoen para doerdjana. Seminari lan grija-lola sami dipoendjarah. Pastoer Lazaristen Mazolli lan Filia poenapa déné Pastoer Tjong Hoa Tchang dipoenbandang para bandiet waoe.

Grija sakit St. Elisabeth.

Grija sakit St. Elisabeth ing Medan mentas dipoenbarkahi Mgr. Brans.

KABAR OEMOEM

INDONESIA.

Koersoes-kasasaran.

P. Ragil martosaken bilih wiwit waelan ngadjeng poenika ing Moentilan wonten koersoes-kasasaran kanggé para goeroe doesoen sakiwa tengenipoen ngrikoe, katoentoen pandjenenganipoen dokter Moentilan manggèng ing grija sakit.—Mangga para sdr. G. D. ingkang saged, karsa merlokaken; awit poenika moerakabi sanget kanggé sakiwa-tengenipoen pandjenengan.

Wlandi boten gadah pamedal. Wonten 4.000.

Pangageng gemeentelijk arbeids-bureau ing Soerakarta njarijosaken dateng *Ind. Crt.* bilih tjatjahipoen Wlandi nggawoer ing satanah Djawi kinten-kinten wonten 4.000. Ichtijar kanggé anjegah indaking pandji klantoeing Wlandi waoe, saking pamrajoginipoen pangageng kaseboet, paréntah kedah ngawontenaken pranatan boten nampi le-

betipoen tijang nganggoer bangsa mantja.

Pamedal S. Stansah soeda.

Pamedal S.S. wiwit Djanoewari doemoegi Oktober 1930 poenika, soeda f 10.300.000 tinimbang Djanoewari—Oktober '29.

Arta moespra.

Margi wontenipoen Pasar Gambir, gemeente Betawi kala Septemter angsal paos tetingalan katahipoen f 45.542.40. Poenika manawi katingal kalijan rantjangan tampining paos ing dalem sawoelan—woelanipoen, sampoen mindak f 17.209.07. Kala September 1929, paos tetingalan waoe wonten f 44.378.85.

Wiwit Djanoewari—September '30 paos tetingalan ing kita ngrikoe angsal f 247.639.29, poenika soeda f 7.360.70 tinimbang rantjanganipoen. Woelan Djanoewari—September taon '29, paos tetingalan waoe angsal f 247.295.19.

SAKING TANAH KEDJAWEN.

—Poetoesan parepatanipoen Zelfbestuur ing tanah Kedjawan, wonten Soerakarta nembé poenika, ingkang perloe-perloe: a) Bab Balé Agoeng taksih wonten nalar-nalar sawatawis ingkang karembag. b) Njandèken anggenipoen nedya ngawontenaken komisi kanggé nggesangaken malih raad paréntahan (Balé Mangoe), oetawi raad sanès ingkang mèmber Balé Mangoe. c) Angéwah-pranatan montor bis. d) Soeka soebisi f 1000 dateng Bureau Toeristenverkeer, kasanggi Zelfbestuur.

—Sadèrèk Sardjana, wedalan Normaalschool Solo taoen 1927, kalahiran bawah Ngajogja, nembé poenika pangkat saking Ngajogja lelana ngideri bawana. Sangoenipoen namoeng f 100, kalijan basa Esperanto, Walandi lan Inggris. Wonten margi lampahipoen badé kaselanan njamboet damel. Pita-dosing manah temtoe badé angsal pitoe-loengan saking golongan Esperanto, awit pijambakipoen soegih tepangan (sarana serat) golongan Esperanto wonten mantja nagari: Honggari, lss. Moegi-moegi kaboe!

—C.S. martosaken, nembé poenika ing bawah ngasistènan Wedi, Klatèn katradjang prahara ageng. Ingkang risak taneman sata 20 baec, grija-grija 112 woewoeng. Kapitoen kapèngan kalijan kapitoenipoen onderneming wonten ± f 100.000.

—Salebetipoen Oktober, kantor pakarjan Ngajogja, nampi tijang pados pandamelan: bangsa Éropah 46, Tionghoa 1, Indonesiers 218. Ing akiring woelan waoe tijang ingkang pados pandamelan lantaran kantor waoe, ingkang dèrèng saged kapapanaken: bangsa Éropah 288, Indonesiers 1153, Tionghoa 28.

Tanda mata kedah oegi kairid.

Dirèktoer Financiën njebat serat dateng pangageng—pangageng andahanipoen, asoeraos: manawi damel tanda mata dateng pangageng inggilanipoen (manawi ngleresi pindah, perlop, lss.), prajogi ingkang boten awis reginipoen.

Koeli-koeli dipoenkèndeli.

Pawartos saking Médan njarijosaken, saking sakedik onderneming Rantau badé motjoti poenggawa katahipoen 500.

Lotré Bataviasche Kinderziekenhuis.

Lotré ageng kapengker poenika sampoen kagebag. Wonten lot 12.100 (± 6%) boten padjeng, lan inggih boten kagebag, mila tampinipoen pris inggih boten djangkep, soeda 6%.—Lot f 150.000 kabar dawah Walandi (batonan) ing satjelakipoen Klatèn.

Ing ngandap poenika nomer-nomer ing pikantoe pris.

f 150.000 94198

f 100.000 161522

f 75.000 21117

f 50.000 60082

f 25.000

183650 — 97654

152716 — 171324 — 29970

f 10.000

84431 — 172729 — 39088

30554 — 145739 — 109707

25448.

170413 — 148555 — 61260

80161 — 110325

99819 — 18963 — 116886

f 5000

32516 — 74299 — 17916

167445 — 122 — 107940

155744 — 67420 — 111009

125161 — 56797

181165 — 69124 — 7170

122502 — 11484 — 37133

97933 — 158786 — 26867

77769 — 42086

32652 — 108988 — 181070

86864 — 74008 — 85506

63803 — 186440

f 1000

76296 — 25532 — 54888

194283 — 24819 — 111485

164320 — 158050 — 148068

198408 — 7767 — 76954

66306 — 127905 — 96427

143210 — 139913 — 110290

56760 — 122173 — 184812

95013 — 107059 — 124081

78236 — 26144 — 164951

43522 — 79413 — 14702

24288 — 145298 — 67136

11727 — 68223 — 133580

107142 — 177368 — 38311

16117 — 191345 — 9097

114953 — 101465 — 47203

32839 — 71706 — 192115

165581 — 14702 — 136513

184948 — 61179 — 3659

99568 — 132482 — 68431

83306 — 105779 — 35779

64443 — 22745 — 25621

84265 — 183141 — 29361

114303 — 95876 — 76628

PASRAWOENGAN INDONESIA AMBABAJANI TO LARÉ KOELIT PETAK.

Bangsa Éropah inggih kedosan.

Rijkseenheid! Serat kabar minggon ing 's—Gravenshage, Nederland, ingkang sedyanipoen *ningseti tatangsoel Nederland kalijan dja-djahan-djadjahanipoen*.

Weekblad poenika, ingkang medal kala 15 Oktober, no. 3, katja 22, ngewrat karanganipoen *H. J. Slegtenhorst*, asisirah „Het mileu in Indië en zijn invloed op de Euro-peesche jeugd” oet. „Pasrawoengan (kaanan) ing Indija karo dajané toemrap nonoman bangsa Éropah.” Artikel poenika, napoek rainipoen tetijang Indonesiërs! Njerikaken manah! Nanging inggih kènging tinampi *pépèling* oet. *pépèngel!*

Soeraosipoen:

Laré-laré koelit petak ing Indonesia poenika, manawi sampoen njandak oemoer tiga welas taoen, prajogi kasakolahaken dateng Nederland. Awit, pasrawoengan ing ngriki, ambabajani toemrap laré-laré waoe, langkoeng-langkoeng wonten salebetipoen sakolahan tengahan. Nonah-nonah wonten ngrikoe, kerep sanget dipoenbèbèda, dipoendjawat déning *bruine jongens*. Ingkang makaten waoe kabekta margi seminiipoen raos birahi poenika toemrap bangsa Djawi langkoeng énggal tinimbang laré-laré Kilénan. Panganggep babagan *djaloe-wanita* tjara Wétan kalijan tjara Kilén, bédà. Malah walandi H. J. Slegtenhorst waoe njarijosaken ing tanah Djawi ngriki, wonten koranipoen laré nénéman, ingkang terkadang isi tjatjijosan lékoh-lékoh. Mangka poenika dipoenwaoes laré-laré djaler toewin èstri maatoes-atoes. Ewadéné tijang sepoehipoen laré boten poeroen menging anakipoen maos koran waoe. (—Nanging koran poenapa, boten katjarijosaken. —Patjar Mérah). Wonten artikel waoe Slegtenhorst malah inggih anjarowé poelitipipoen papréntahan Indija samangké, anggenipoen nedya njamèkaken bangsa warni-warni. Wonten dirèktoer sakolahan middelbaar dipoenkelahaken siswanipoen, margi poen moerid waoe roemaoes dipoenpisakit. Mangka le-resipoen boten makaten! Ewadéné siwa (n.b. sanakipoen adpokat pembentji Blanda) boten tampi paoekoman poenapa-poenapa ingkang margi anggenipoen ngliadosaken kelah palsoet enz. enz.

Doemoegi semanten anggen koela ngringkes soeraosing karanganipoen walandi Slegtenhorst.

Sinten ingkang nedya andjoen-djoeng daradjading bangsa, pantjen kedah *talatos* ngoepadosi *tjatjad-tjatjading* bangsa. Manawi wonten ingkang poeroen anedahaken tjatjad waoe inggih sinten kèwawon, kita kedah bingah.

Zedelijkheidsopvoeding! Panggoelawentah babagan kasoesilan! Poenika wonten djagad pasrawoengan Indonesiërs, oemoemipoen pantjen *kirang*. Pinten katahipoen tijang sepoeh ingkang nontonaken ketoprak anakipoen ingkang taksih alit? Pinten katahipoen laré alit ingkang sampoen bae amimisoe, amastani prakawis saroe? Pinten katahipoen tijang sepoeh boten mardoeli wadosing anak? Malah terkadang anak maos boekoe saroe boten dipoenpoenapak-poenapakaken.

Dajaning panggoela-wentah makaten waoe, taksih dipoenbekta laré doemoegi ageng, lan bokmanawi ngantos doemoegi ing sakolahan inggil pisan!

Koela boten tédèng aling-aling, *ngakeni*, bilih katah siswa *nénéman* Indonesiërs ingkang remen *bala-sakalan* wonten *grija pasoendelan*. Kawontenan makaten poenika, pandjenengan saged pirs manawi dalem wonten kita ageng.

Koela kèngetan aksinipoen pakempalan *Pasoendan* anggenipoen nglawan tetingalan ingkang adamel bobroking kasoesilan, déning angèngeti katahing *laré-laré pamoelang* ing Djawi Kilén, (langkoeng-langkoeng Bandoeng) ingkang kènging *sasakit èstri ± 60%*.

Sedya Tama inggih kerep njant-toelan tandangipoen laré-laré sekolah ingkang asring ambèbèda laré èstri! *Bintang Mataram* naté njarijosaken wonten moerid djaler ngoendang medal kantjanipoen èstri, sareng doemoegi radinan, dipoen-

41090 — 14950 — 607

155668 — 148098 — 130290

149717 — 106601 — 141576

16549 — 116718 — 162419

44772 — 161008 — 163147

103144 — 108507 — 48237

10094 — 93799 — 187908

195110 — 194099 — 199661

169394 — 120644 — 117535

11740 — 73904 — 106075

90357 — 76195

Toeroen Basah Sentot.

Soer. Hdbi. njarijosaken wonten tijang nama R. Harto Poerwowasono, ngaken toeroen Basah Sentot, Sarta ngaken dados doekoer. Sampoen katah tijang kapoesan arta, lan inggih katah tijang èstri dados koerban. Tijang poenika naté ngambah Banjoewangi, Malang, Blitar, Kediri, sarta molah—malih anggenipoen ngaken: toeroen prajagoeng anoe.

djawat, larénipoen bengok-bengok mle

Dados seratanipoen n. tenhorst waoe inggih katah emperipoen.

Ananging, . . . H. J. Slegt pijambak, inggih kedah no tokipoen. Kedah ngilo kawing djagad koelit petak. Ked. *rèksi* bangsanipoen pijambak.

Mangga, poenapa bobroking kasoesilan ngriki, tijang koelit petak boten *toemoet kedosan*? Boten toemoet gadah tatanggalan?

Tjoba dipoenpangalih:

Gambar sarot saroe-saroe

Gambar kartoe pos andjedjenesi.

Boekoe petjerèn wedalan Éropah.

Rok nginggil dengkoel, tanpa lengenan.

lss. . . . lss.

Poenika sadaja amewahi bobroking kasoesilanipoen bangsa kita! Lan poenika inggih dipoenmohi tetijang Kilén ingkang taksih ngristen.

Mila manawi tijang Kilénan neda soepados laré-laré Indonesia sami soesila, langkoeng soesila tinimbang sapoenika, tetijang Kilénan inggih kedah *njontoni* soesila! Tandang-tandoekipoen inggih ngristen, sampoen ngantos andajani awon dateng laré-laré ngriki!

Ing Indonesia wonten student Indonesiërs andjawa kantjanipoen èstri. Nanging H. J. Slegtenhorst poenapa inggih boten mangertos gesangeng student bangsanipoen pijambak, wonten ngriki? Poenapa ing bioscoop boten naté mitontonaken film gesangipoen student ingkang prasasat dados Hardjoena?

Sanadjan koela *angakeni* kirang kopènipoen zedelijkheidsopvoeding wonten kalanganing bangsa kita, ingkang toemoesipoen adamel risaking kasoesilanipoen nénéman Indonesiërs, nanging saepami *dipoenpè-tani* saèstoe inggih *dèrèng kantenan* manawi kasoesilan Wétanan *langkoeng risak* tinimbang Kilénan.

Kilén pantjen inggih *bèda* kalijan Wétan! H. J. Slegtenhorst noetoei bangsanipoen: „nèk anakmoer wis oemoer 13 taoen, parakna njang Nederland baé. Nèng tanah Djawa moendak kebatjoet ala wataké, awit Inlanders pada loewih gèndjah nger-tiné marang *ini*—itoe!”

„Bagoes!” Mangga H. J. Slegtenhorst koela atoei ngrèntjangi njoewoen dateng Paréntah soepados *angatahi sekolahan inggil ing tanah kita* ngriki. Mangga sakolahan inggil ing ngriki dipoenaosana *sami* kalijan sakolahan inggil ing Éropah! Perloenipoen anak-anak kita boten soesah ngangsoe kawroeh dateng universiteit Nederland! Awit, koela (—lan oegi D. Koesoemaningrat ing *Volks-courant*, lss. —) inggih koewatos gèk anak-anak kita wonten ngriki sami kènging *pèlèl!* (—Poenapa èlok wonten Pastoer ing Afrika poenapa poendi boten karsa ngintoenaken siswanipoen dateng Éropah? —)

Kilén dédé Wétan; Wétan dédé Kilén! Mila, koela moepakat anak sampéjan sampéjan sakolahaken wonten Kilén, anak kita wonten Wétan! Mila dipoenréntjangi kèwawon njoewoenaken dateng Paréntah soepados ing ngriki katah pamoelang inggil kanggé anak-anak kita, lan onderwijs ing ngrikoe kaosana sami kalijan pamoelang loehoer ing Nederland!

Wekasaning atoe: seratanipoen H. J. Slegtenhorst waoe mandjinga dados *pépèngel*. Soepados tetijang sepoeh Indonesiërs saja sanget pamroesodinipoen dateng zedelijkheidsopvoeding!

</

dapat POTONGAN.

Tilgram tanggal 20 njarijosaken galagat badé wonten katentreman saja katingal. Djéndral 26 ing Sjansi lan Kwomintsjoen saking Taijanfoe, kintoen tilgram dateng Nanking njadong dawoeh sarta apredjandji badé ambijantoe regeering.